

Mimi, 2j.



suechet äs Daheime i Wohnig mit gsichertem Garte

Liebi Tierfründe

Hoi, ig bi d'Mimi. Ha grad wänig Ziit, muess die Fädere da fange. Obwou, ig sött mir es paar Minütli Ziit näh. Ig wott mi vorschtäue, wiu ig bi uf dr Suechi nach eme nöie Daheime. Warum? Mi hei sy us Chlini vo me Hof grättet u itze wohn ig mit some dominante Chatr zäme, so e Rüpü, schtäut Öich vor, der griifet mi mängisch sogar aah. Ig chomme regurächt untert Rädr. Itze hei sy entschiende, für mi es nöiis Plätzli z'sueche. Drum!

Ig bi guet 2jährig, kaschtriert, gimpft, gsung, schtuberein u sähr verschpiut. Du siehst es, Fädere zum Bischpiu, abr ou Bälleli odr sunsch öppis. Das macht Schpass. Es Troumbüsi, meinsch? YES, abr mit Iischränkg: ig ha i mineri Prägigsphase ufm Hof nüt dörfe chennelehre, drum sy mir Mönsche u aues Ubechannts suschpekt u machet mir Angscht. Ig bruuche sähr viu Ziit, bis ig uftoue. Ig mag Ruhe u Routine. Abr nid: Lärm, Türchlinge, Schtoubuogr, Häktik, Händ vo obe, ummetrage u feschtghaute Wärde u Langewiile.

Drum suech ig es ruhigs, entschannts Daheime, ohni Ching u Hung, höchstens no mit em ganze em liebe, soziaue, nid dominante Chatzemeiteli i mim Austr. Sunsch wär ig liebr Alleiprinzessin. Bi liebi geduudigi Lüüt, die nid ufgah, wenn ig nid gli nach drü Täg fürechoh u mi lah schtriichele. U ou no nid nach drü Wuche! Bi mir duuret's eifach, aber denn! Ig wott nur e grossi Wohnig mit guet gsicheretem Garte, ig tät gärn Gras unter di Pfötlis schpüre u Vögeli beobachte. Richtigr Freigang abr ja nid, das macht mir Angscht.

Bisch du villlicht grad pensioniert worde odr bisch Du sunsch viu daheime? Odr arbeitsch Du vo diheime us odr bisch Homeofficier? U hesch Du en schöne Baukon mit Uussicht? MIN Baukon? U wottsch Du mi uf Läbensziit verwöhne u hesch Du Chatzeerfahrig u Geduud mit mir u tätsch Du mi i mim Tempo lah achoh? U gibsch Du nid uf, wenn ig mi es ganz es Wiili nid füre trou? Ja? Oh ja, denn müesset mir üs unbedingt lehre chenne. Ig wohne derziit noch z'Zürich/ZH, zügale abr gärn zu Dir, wo ou immr Du wohsch. Mäud di doch bitte ganz gly bi dr Sonja Ball. Sie het sich mir agno u suechet für mi das Plätzli.

Dini Mimi



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch